

ხელშეკრულება სახელმწიფო შესყიდვის შესახებ

GT-042702

წინამდებარე ხელშეკრულება იდება შპს „საქართველოს გაერთიანებული წყალმომარაგების კომპანიის“ მიერ 2017 წლის 07 აპრილს გამოცხადებული NSPA170005473 გამარტივებული ელექტრონული ტენდერის საფუძველზე.

ქ. თბილისი

27 აპრილი 2017 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გიორგი კობერიძის სახით და მეორეს მხრივ, შპს „გიომოტორსი“, (შემდგომში „მიმწოდებელი“) ზაზა მირუაშვილის სახით, „სახელმწიფო შესყიდვების შესახებ“ საქართველოს კანონისა და პრეტენდენტის სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება გამარტივებულ ელექტრონულ ტენდერში და ასრულებს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს შემსყიდველისათვის ავტომობილების ტექნიკური დათვალიერების მომსახურების (შესყიდვის კატეგორია 71600000 - ტექნიკური შემოწმება, ანალიზი და საკონსულტაციო მომსახურებები CPV- 71631200 - მომსახურებები მანქანა-დანადგარების ტექნიკური შემოწმების სფეროში) გაწევა.
- 2.2 ხელშეკრულებით გათვალისწინებული გასაწევი მომსახურების ზუსტი აღწერა მოცემულია დანართის N1- ის სახით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის ფასი განისაზღვრება ლარებში.
- 3.2 ხელშეკრულების სავარაუდო ღირებულება შეადგენს 3116 (სამი ათას ასთექსმეტი) ლარს, დღგ-ს გათვალისწინებით.
- 3.3 ხელშეკრულების ზუსტი ღირებულება გამოითვლება ფაქტიურად გაწეული მომსახურების მიხედვით.
- 3.4 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ ყველა ხარჯსა დღგ-ს ჩათვლით და საქართველოს კანონმდებლობით გათვალისწინებულ გადასახადს

4. შესყიდვის ობიექტის მიღება-ჩაბარების წესი

- 4.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით, რომელშიც აღნიშნული უნდა იყოს გაწეული მომსახურების ჩამონათვალი, ღირებულება, ჯამური თანხა, მომსახურების ხარისხობრივი შესაბამისობა ხელშეკრულების პირობებთან, ხელშეკრულების რეკვიზიტები, მიღება- ჩაბარების გაფორმების თარიღი და ადგილი.

4.2 მიღება-ჩაბარების აქტს შემსყიდველის მხრიდან ხელს მოაწერს, შესაბამისი რეგიონული ფილიალის ან სერვის ცენტრის უფლებამოსილი წარმომადგენელი.

5. ანგარიშსწორება

5.1 "მიმწოდებელთან" ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში- ლარში.

5.2 დაფინანსების წყარო შპს „საქართველოს გაერთიანებული წყალმომარაგების კომპანიის“ 2017 წლის საკუთარი სახსრები.

5.3 ანგარიშსწორება განხორციელდება ეტაპობრივად, ფაქტიურად გაწეული მომსახურების მიხედვით, მიღება-ჩაბარების აქტის და სხვა დოკუმენტაციის (საგადასახადო ანგარის-ფაქტურა) წარდგენიდან 10 (ათი) სამუშაო დღის განმავლობაში.

5.4 წინასწარი ანგარიშსწორება არ გამოიყენება.

6. მომსახურების გაწევის პირობები

6.1 გასაწევი მომსახურება უნდა აკმაყოფილებდეს დანართი N1-ში მოცემულ მახასიათებლებს.

6.2 მომსახურების გაწევა განხორციელდება ეტაპობრივად, შემსყიდველის მოთხოვნიდან 3 (სამი) სამუშაო დღის განმავლობაში, ხელშეკრულების გაფორმებიდან 2017 წლის 31 დეკემბრის ჩათვლით.

6.3 მიმწოდებელი პასუხისმგებელია მის მიერ გაწეულ მომსახურებაზე.

6.4 დათვალიერების შემდეგ თითოეულ სატრანსპორტო საშუალებაზე უნდა გაკეთდეს და გაიცეს შესაბამისი ცნობა და შედგეს ბარათი კანონმდებლობით დადგენილი ფორმის შესაბამისად.

6.5 მომსახურების გაწევა უნდა განხორციელდეს ტექნიკური დათვალიერების ცენტრში, რომელიც მდებარეობს შიდა ქართლის ტერიტორიაზე კერძოდ: ქ.გორი სუბიშვილის N63.

6.6 მიმწოდებელი ვალდებულია განახორციელოს შ.პ.ს „საქართველოს გაერთიანებული წყალმომარაგების კომპანიის“ კუთვნილი ავტოსატრანსპორტო საშუალებების ტექნიკური დათვალიერების მომსახურების გაწევა მოქმედი კანონმდებლობის შესაბამისად.

6.7 მიმწოდებელმა მომსახურების გაწევისას უნდა წარმოადგინოს საგადასახადო ანგარიშ-ფაქტურა.

7. მხარეთა უფლება-მოვალეობანი

7.1 "შემსყიდველი" უფლებამოსილია:

ა) ნებისმიერ დროს განახორციელოს "მიმწოდებლის" მიერ ნაკისრი ვალდებულებების შესრულებისა და ხარისხის ინსპექტირება;

ბ) მომსახურების გაწევის დასრულებამდე გამოითხოვოს "მიმწოდებლისაგან" მისთვის საჭირო დოკუმენტი.

7.2 "შემსყიდველი" ვალდებულია:

ა) უზრუნველყოს "მიმწოდებლის" მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

7.3 "მიმწოდებელი" უფლებამოსილია:

ა) მოსთხოვოს "შემსყიდველს" გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 "მიმწოდებელი" ვალდებულია:

ა) უზრუნველყოს ავტოსატრანსპორტო საშუალებების ტექნიკური დათვალიერების მომსახურების გაწევის შესრულება

ბ) უზრუნველყოს მომსახურების გაწევა ტექნიკური პირობების შესაბამისად;

გ) მომსახურების გაწევა უნდა განხორციელოს ტექნიკური დათვალიერების ცენტრში;

დ) დათვალიერების შემდეგ თითოეულ სატრანსპორტო საშუალებაზე უნდა შეადგინოს და გასცეს შესაბამისი ცნობა და ბარათი კანონმდებლობით დადგენილი ფორმის შესაბამისად;

ე) უზრუნველყოს მისი ბრალეულობით „შემსყიდველისთვის“ მიყენებული მატერიალური და არა მატერიალური ზარალის ანაზღაურება.

8. ხელშეკრულებით ნაკისრი ვალდებულებების შესრულების ინსპექტირება

8.1 "მიმწოდებლის" მიერ ხელშეკრულებით ნაკისრი ვალდებულებების შესრულების, გაწეული მომსახურების ხარისხის კონტროლის ინსპექტირებას განახორციელებს შპს „საქართველოს გაერთიანებული წყალმომარაგების კომპანიის“ ტრანსპორტის დეპარტამენტის უფლებამოსილი წარმომადგენელი.

8.2 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება "მიმწოდებელს" საქართველოს კანონმდებლობით დადგენილი წესით

9. ხელშეკრულების პირობების შეუსრულებლობა

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მხარეებს" დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის, არასრულად ან არაჯეროვნად შესრულების შემთხვევაში, "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.

9.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს გაწეული მომსახურების ღირებულებიდან, იმ შემთხვევაში თუ მომსახურება არაა გაწეული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შესმსყიდველის სასარგებლოდ, ხოლო იმ შემთხვევაში თუ გაწეული მომსახურების ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და გაწეული მომსახურების ღირებულებას შორის არსებული სხვაობა შესმსყიდველის სასარგებლოდ.

10. ხელშეკრულებაში ცვლილების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.3 ხელშეკრულება ასევე შეიძლება მხარეთა ინიციატივით შეწყდეს, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11.4 მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.

13. ხელშეკრულების მოქმედების ვადა

წინამდებარე ხელშეკრულება ძალაშია მასზე ხელმოწერის დღიდან და მოქმედებს 2018 წლის 31 იანვრის ჩათვლით.

14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი:

შპს „საქართველოს გაერთიანებული
წყალმომარაგების კომპანია“
მის: ქ.თბილისი, ვაჟა-ფშაველა 76 №8
სს „ლიბერთი ბანკი“
ცენტრალური ფილიალი
კოდი: 220101480, LBRTGE22
ა/ა N GE77LB0113123325230012
ს/კ 412670097


გიორგი კობერიძე
დირექტორი



მიმწოდებელი:

შპს „გიომოტორსი“
მის: ქ. გორი, სუხიშვილის 63
ტელ: 599851820
სს „თიბისი ბანკი“
კოდი: TBCBGE 22
ა/ა GE73TB7035536080100012
ს/კ 417879905


ზაზა პირუაშვილი
დირექტორი



დახარჯი

N	მომსახურების დასახელება	სატრანსპორტო საშუალება			რაოდენობა	ერთეულის ფასი	საერთო ჯამი
	ავტოსატრანსპორტო საშუალებების ტექნიკური დათვალიერება	მარკა/მოდელი/სერია					
1		MERSEDES BENZ	ACTROS	JBj-194	1	139	139
2		MERSEDES BENZ	814 D	QUQ-069	1	117	117
3		FORD	CARGO 1826D	ZRZ-217	1	139	139
4		FORD	CARGO 1826D	VFV-857	1	139	139
5		MAN	TGM 13.240	CZC-826	1	139	139
6		ISUZU ასენიზაცია	NPR85H	ZKZ-411	1	117	117
7		JAC	HFC 1061-4000-LT	LLJ-144	1	117	117
8		JAC	HFC 1061-4000-LT	LLJ-149	1	117	117
9		FORD	CARGO 1826D	UW-115-SC	1	139	139
10		FORD	CARGO 1826D	VFV-863	1	139	139
11		JAC	HFC 1061-4000-LT	LLJ-148	1	117	117
12		FORD	CARGO 1826D	VFV-853	1	139	139
13		FORD	CARGO 1824 D აძწე	HXH-497	1	139	139
14		ISUZU ასენიზაცია	NPR85H	GPG-499	1	117	117
15		ISUZU ასენიზაცია	NPR85H	ZKZ-433	1	117	117
16		JAC	HFC 1061-4000-LT	LLJ -145	1	117	117
17		FORD	CARGO 1826D	VFV-850	1	139	139
18		FORD	CARGO 1826D	ZRZ-216	1	139	139
19		MAN ჩამრეცხი	TGM 18.240	BVB-364	1	139	139
20		MAN საავარიო	TGM 13.240	CZC-821	1	139	139
21		XCMG	NCL 3258	HXH-701	1	139	139
22		XCMG	QY8D-1	HXH-703	1	139	139
23		JAC	HFC 1061-4000-LT	LLJ-146	1	117	117
24	JAC	HFC 1061-4000-LT	LLJ-147	1	117	117	
სულ ჯამი დღგ-ს ჩათვლით						3116 (სამი ათას ასთექვსმეტი) ლარი	

შემსყიდველი:

შპს "საქართველოს გაერთიანებული წყალმომარაგების კომპანია"

მიმწოდებელი:

შპს „გიომოტორსი“

გიორგი კობერიძე
დირექტორი

ზაზა შირუაშვილი
დირექტორი